

Yəni 15:9 "N Fa Yehowa ya n keni nya min, nde fanan ya wo keni wo nya le. Wo ni to nta keninteyə tema den!

Aiseyala 43:1,2 - Efesa 2:10 Yehowa nyərə le ya ma dan. A ya ma dan ko-nyimə ke-koe le la. Ma tenbi Yisa Kirasiti rō, ma si to ko-nyimə kəla bawo ale nyərə ara ban wonu tabənna ma ye, bi ko ma!

Yeremaya 1:5 - Kalesiya 1:15 Kənə yanni n ni sərən, Yehowa le ya n yabə ata hine fe. A ya n kele ko n ni wələ a ye.

Yəni 15:16 Wole ma nde tənbən. Nde le ya wo yatənbən. N bara wo yatənbən alako wo ni ta gbə wə ke. Ado gbəs wo si to a la. Nba, wo wa ko-wo-ko tara n təgə rō, n Fa Yehowa si wo di wo ma.

3 Yəni 1:2 N diyana-məgə, n bi Yehowa madiyala ko koe bəs ni ta a kile fe i bolo. Alame i kəndeyara iko i səndəmə kəndə ye nya min.

Aiseyala 43:4 - 1 Pita 2:9,10 Kənə sibolo yabənə le wole la, Mansəla saraka masəla yabənənu kəni. Wo mara sibolo-sənimə la anubə Yehowa nyəreta məgənu. Wo yabənə ka Yehowala kabana-ko-wələnə fə bəs ye. Yehowa le ya wo kele ka wo bə pinpi rō ka wo ladon ata wan-makawane rō 10 Fələ nun, Yehowala məgə ma wo la kənə kaka, wo ara ma ata məgənu na. Fələ nun, wo ma Yehowala kinikinə lən kənə kaka, wo ara ala kinikinə sərən.

Yeremaya 31:3 - Efesa 1:4 Yanni duninya ni dan, Yehowa ara ban ma yabəla nun alako ma ni ma ate la Kirasiti baraka rō. A ya ma yabə ko ma ni səninya a yala. A sa a fe, fəs woo ni taran ma la.

2 Timoti 1:9 Yehowa ya ma kisi ka ma yabə ko ma ni ma ata məgə-sənimənu na. A ma ma yabə mata kewələnuna ko la fə a nyərə sako anubə ata hine baraka rō. Yanni duninya ni dan, a ya ata hina-wə yira ma la Yisa Kirasiti rō.

Yəni 3:16 Ado Yehowa ya duninya keni ha a ya ala den kei kelen pe ni. Məgə wo məgə wa dənkəninya a ma, wo ti halaki fə ka habadan-nimayə sərən.

Hoseya 11:8; Aiseyala 49:15,16; & Aiseyala 41:13,14

Luka 12:32 "Wole, nna saga-kurun-nə, wo kana kilan bawo wo Fa fonde ara sa ka mansayə di wo ma.

Matiyu 28:20 N bara anu karan koe min bəs la, wo ni anu karan ko anu ni koe wo bəs bira. Ado wo ni wo hənkili to ke ko! N si to wo fe tumə bəs ha watı-laban."

Yəni 14:1 Yisa ya a fə ala karan dannu ye ko, "Wo yisi kana tinya. Wo ni dənkəninya Yehowa ma ka dənkəninya nde fanan ma.

Yaburi 23:1 - Yəni 10:11 "Saga-fe-birala-nyimə le nde la. Saga-fe-birala-nyimə si sən ka faga ala sageṇuna ko la.

Yaburi 23:2 - Lankənimayə 7:17 Ado saga-dan min bi mansaya-sigi-fan təgəfe, wo si anu kandan iko saga-fe-birale, ka anu nata tenke-diyame rō min si niyi di məgə ma. Nba, Yehowa si anu ya-yi bəs firan."

Yaburi 23:3,4 - Luka 1:79 Minnu siginə pinpi rō anubə sayə ninə kərə, a si malan wo bəs ye ka mala tagama-nya yira ma la yisi-kimə kile fe."

Yaburi 23:5,6 - 2 Kɔrenti 1:10/11 A ya ma kisi saya-masiba-wε su wo ma. Ado a si to ma kisila. Wo ye ma dεnbεna wola madiyalεnu tɔ tumε min, ma ara ban ma yigi sala a kuma ko a si ma kisi tun. Mɔgɔ siyaman bi anu kan nabɔla Yehowa ma ka baraka bira a ye mala ko la. Ado Yehowa si wonu yabi ka duwε layigi ma kuma.

Filipai 4:7 Nba, Yehowata yisi-kimε min tenbinε hadama-den-hεnkili bεε dan la, wo si wo yisi anubε wo hεnkili kandan Kirasiti Yisa rɔ.

Sɔɔlima-tilinu 3:24 & Yaburi 4:8 - Yɔni 14:27 "N bi yisi-kimε tola wo fε. N bi nta yisi-kimε min dila wo ma, n sa a dila wo ma iko duninya ye a mala nya min. Wo yisi kana tinya. Wo kana kilan.

Yaburi 33:18 - 1 Pita 3:12 Bawo Mari kolan bεnnε mɔgo-lateleññε ma. A wɔlɔ matɔlɔnε anu di-kε-kannu na. Kɔnɔ ko-yogoma-kεlεnu, a ye wonu kan ma."

Romu 5:2 Dεnkeninyε fε, Yisa ara ma lana Yehowala hine kɔrɔ ado ha kaka, ma ye hine wo le kɔrɔ. Ma sewanε fanan bawo ma ya a lɔn ko wati do, ma si ala gbiliyε wo diya bɔ.

Aiseyala 55:12 - Luka 19:40 Yisa ya anu yabi ko, "N bi a fɔla wo ye, ni anu ya anu made, kuri kεnu bεren si gbele-gbelen."

Yɔni 16:22 A ye wo nya le wole fanan bolo. Wo yisi si gbala kaka kɔnɔ n si wo yen tun. Wo yisinu si fa sewε sifa wo la, mɔgɔ ti ke min bila wo bolo.

Luka 12:9 Kɔnɔ min ba a ban nde la gbe rɔ ko nta ma ale la, nde, Hadama dan si n ban ale fanan na Yehowala melikanu yala.

Matiyu 10:30 Nba, wole don, hali wo kun-sigi, Yehowa ya wo bεε yate lɔn.

Aiseyala 54:10 - Matiyu 24:35 San kole anubε dugu kole si tenbi kɔnɔ nna kumε ti tenbi mumε!

Matiyu 11:28-30 "Min bεε ara bandan ala dunu gbilimε kɔrɔ, wo ni na nde wara. N si sulen di wo tigi ma. 29 Wo ni nta dune bi ka wo sa wo kuma. Wo ni karan nde fε bawo n dinyanε, n famayigine. Nba, wo si wo sulen worɔ. 30 N si dune min di wo ma, a ma gbili. Ado n si dune min sa wo kuma, wo fε kat!"

2 Kɔrenti 11:2 N bi wo makeliyala iko Yehowa ye wo makeliyala nya min. Wo bεε mani de iko sunkurun-nasɔlɔni-bεre, n bara min furu-koe lanyiri kiri mɔgɔ kelen pe ye, Kirasiti kɔni. Silameni 2:10 & Hoseya 2:14,19,20

Exodus 3:14 - Hiburunu 13:8 Yisa Kirasiti ye nya min kunu, a ye wo nya na bi, ado a si to wo nya na burubukai!

Hoseya 13:4 - Kewɔlεnu 4:12 Ado Yehowa ara tɔgɔ kelen pe min di mɔgεnu ma anu si kisi min fε, wo tɔgɔ gberε sa duninya rɔ fɔ ale Yisa tɔgɔ kelen pe."

Yɔni 15:14 Ni wo ya nna kumε bira, n diyana-mɔgεnu de wole la.

Yɔni 14:6 Yisa ya a yabi ko, "Kile le nde la anubε tonyε anubε niyi. Mɔgɔ wo mɔgɔ ti ta n Fa Yehowa warε nde kɔma.

Lankεnimayε 3:20 Wa wo tole masɔ! N sɔnε dε la ka a matugu. Ni mɔgɔ wo mɔgɔ ya n kan lamɔen ka dε laka n ye, n si don wola bɔn la ka fen-dɔn-kε a fε. Ale fanan si fen-dɔn-kε n fε.